



Minggu, 19 Juni 2022
Ogen: Heber 12:1-2



"Agui Singambati"



Sada perlumban unik si lit bas salah sada kuta i bagin Afrika e me mentasi sada jalur (dalan) guna seh ku sada tujun. Bas mentasi jalur e, lit piga-piga tantangan siarus ibentasi guna seh ku tujun. Erbage-bage jenis runga (tangtangen) siitujuken man peserta perlumban. Intina, kai si akapna perlu i babana, janah kai si la perlu harus iambekken. I bas garis finish, peserta wajib ncidahkan kai siibabana seh garis finish ras nuriken kai siambekkenna (aguina singambati perdalanna). Perlombaan enda sederhana tapi mbages kel ertina. Perlombaan enda ngatakenca maka kerina si lita bas sekelewetta labo kerina banci bermanfaat. Bas kegeluhenta enda aguilah singambati kegeluhenta si erbanca kita sirang ras Dibata.

Dosa me salah sada singambati kita nggeluh ngerembakken dirinta ras Dibata. Kerina kalak si nggit ndalanken sura-sura Dibata harus ersura-sura guna i aguina kerina singambatina arah dosa siibahan doni enda man bana. Erbage-bage dosa siibahan bas kegeluhenta enda erbanca kita sirang ras Dibata, e maka megermetlah kita guna ngagui kerina si la bagi sura-sura Dibata.

Jesus reh bas kegeluhenta guna nikapken dalan man banta kerina seh maka kita terkelin ibanNa. Ayat 2 ndai ngatakenca man banta, *kempak Jesuslah kita natap, sabap ia me sumbul ras tujun kinitekenta*. Adi tujun kegeluhenta enda guna ndalanken sura-sura Dibata mari sitatap IA bas tujun geluhta. ItimaiNa kita bas pendungi kegeluhenta enda. Bas kita erdalan bas dalanNa e, mari siagui kerina singambati. Biak si la mehuli si mempengaruhi lagu langkah, ukur ras pengerana si la payo. Si pindo penampat Dibata guna meteh ras ngangkai kai si la pas bas kegeluhenta enda guna siagui ras siambekken. Kegeluhen si mbaru nggo nimai kita. Nggeluh rembak ras Dibata mpetangkas kerna sura-sura Dibata nandangi kita.

Agui si ngambati!



[The main body of the page is a large, blank white area with a wavy top edge, intended for writing.]